

Niðurstöður framtíðarsmiðju Pírata

Hvernig byggja Píratar sterkt félag á næstu árum?

Niðurstöður framtíðarsmiðju Pírata	1
Forsaga	1
Öflugri aðildarfélög	2
Hugmyndir úr framtíðarsmiðjunni um markmið fyrir aðildarfélög fyrir 2017	2
Tillaga um hvernig á að ná markmiðunum	3
Fjölbreyttari grasrót	4
Hugmyndir úr framtíðarsmiðjunni um markmið um fjölbreytni grasrótar fyrir 2017:	4
Tillaga um hvernig á að ná markmiðunum	4
Vel skipulagðir verkferlar	5
Hugmyndir úr framtíðarsmiðjunni um markmið fyrir 2017	5
Bætt upplýsingaflæði og tengsl milli grasrótar og kjörinna fulltrúa	6
Betri möguleikar til að kenna og læra	6
Eflum lýðræðispáttöku ungs fólks	7
Sameiginleg framtíðaráætlun fyrir Pírata	7
Sameiginleg framtíðarsýn fyrir samfélagið	7

Forsaga

Þessi skýrsla var unnin úr gögnum frá fundi sem Píratar héldu fyrir grasrót og fulltrúa þann 12. nóvember 2016, í kjölfar kosninga til alþingis 2016. Fundurinn var kallaður “framtíðarsmiðja” og stóð yfir í heilan dag. Meira en 60 félagsmenn úr öllum kjördæmum tóku þátt. Framkvæmdaráð Pírata óskaði eftir að fundurinn væri haldinn, og Oktavía Hrund Jónsdóttir og Hugi Ásgeirsson voru látin sjá um skipulag og fundarhöld. Þátttakendum var skipt í hópa og markmið fundarins var tvískipt, annars vegar að vinna úr reynslu frá kosningarbaráttunni og hins vegar að ná saman hugmyndum um hvert Píratar eiga að stefna sem félag á næstu árum. Þessi skýrsla er samantekt á þeim markmiðum sem mest sátt var um. Höfundar skýrslu, Hugi Ásgeirsson og Oktavía Hrund Jónsdóttir hafa unnið úr gögnunum. [Hrá gögn úr framtíðarsmiðunni er hægt að nálgast hér.](#)



Framtíðarsmiðja Pírata, 12. nóvember 2016 í Gaflaraleikhúsinu í Hafnarfirði

Við viljum sérstaklega þakka þeim sem unnu með okkur í að halda og skipuleggja Framtíðarsmiðjuna, en það voru Kristján Gunnarsson, Dóra Björt Guðjónsdóttir, Snæbjörn Brynjarsson, Álfheiður Eymarsdóttir, Þórgnýr Thoroddsen, Eiríkur Rafn Rafnsson og Elín Ýr Arnar Hafdísardóttir. Olga Margrét Cilia aðstoðaði við prófarkalestur.



Framtíðarsmiðja Pírata, 12. nóvember 2016 í Gaflaraleikhúsinu í Hafnarfirði

Við höfum skilgreint átta markmið: Öflugri aðildarfélög, fjölbreyttari grasrót, vel skipulagðir verkferlar, bætt upplýsingaflæði og tengsl milli grasrótar og kjörinna fulltrúa, betri möguleikar til að kenna og læra, að efla lýðræðisþátttöku ungs fólks, sameiginleg framtíðaráætlun fyrir Pírata og sameiginleg framtíðarsýn fyrir samfélagið. Í þessari skýrslu hafa höfundar lagt grunn að tillögum um hvernig má vinna að því að ná fyrstu tveim markmiðunum: Öflugri aðildarfélög og fjölbreyttari grasrót.

Öflugri aðildarfélög

Fyrir sveitarstjórnarkosningarnar 2018 viljum við að Píratar verði orðið öflugra félag á landsvísu. Þátttakendur Framtíðarsmiðjunnar vilja bæta innra starf félagsins, auka upplýsingaflæði, vera sýnilegri og efla þátttöku á landsbyggðinni. Óskað er eftir nánara samstarfi milli aðildarfélaga, styrkingu sjálfsmyndar Pírata og að fjárfest verði eins fljótt og auðið er í fjárfundarbúnaði fyrir aðildarfélögin. Hópurinn vill skoða hvernig megi nota upplýsingaráð til þess að bæta upplýsingaflæði, samskipti aðildarfélagana og samræma upplýsingagjöf. Það er sérstaklega mikilvægt að bæta upplýsingaflæði og samskipti milli félaga á landsbyggðinni og á höfuðborgarsvæðinu. ~

Píratar sækjast eftir fleiri tækifærum til að kynnst, hittast og læra hvert af öðru. Framtíðarsmiðjur um allt land væru gott tækifæri til þess að styrkja tengslin.

Markmið ætti að vera að Píratar bjóði fram í mörgum sveitarfélögum 2018. Til þess að ná því markmiði þarf að stofna ný aðildarfélög, deildir og finna öflugt fólk. Þátttakendur Framtíðarsmiðjunnar vilja að starfsfólk og fulltrúar félagsins og þingflokksins veiti stuðning í því ferli.

Öflugari aðildarfélög: Hugmyndir úr framtíðarsmiðjunni fyrir 2017

- Gera aðgerðaráætlun um að efla aðildarfélögin
- Gera aðgerðaráætlun um að efla samskipti og upplýsingagjöf milli félaga
- Fjárfesta í fjárfundarbúnaði
- Styðja við stofnun félaga fyrir sveitarstjórnarkosningar
- Upplýsingaráð styður við öflug samskipti milli félaga og samræmir upplýsingagjöf
- Halda fleiri Píratafundi víðs vegar um landið

Tillaga um hvernig á að ná markmiðunum

Eftir kosningabaráttuna 2016 hafa margir öðlast reynslu og þekkingu um hverjir styrkleikar og veikleikar aðildarfélaganna eru. Það er mikil þörf á því að nýta þessa reynslu í að styrkja aðildarfélögin og samskipti þeirra á milli. Höfundar skýrslunnar leggja til að farið verði í aðgerðir til að ná eftirfarandi markmiðum:

- (1) Að góðir ferlar verði til staðar um hvernig eigi að mynda og reka ný og öflug aðildarfélög og að verksvið og ábyrgð aðildarfélaga séu samræmd og skýr.

- (2) Að upplýsingaflæðið milli aðildarfélaga og milli innri stofnana sé gott - skýrt flæði og jákvæð samskipti.
- (3) Að Píratar bjóði félagsmönnum upp á möguleika til að kynnast öðrum Pírötum og læra hver af öðrum.

(1) Höfundar skýrslunnar mæla með að nýta reynslu úr kosningarbaráttunni til að hanna ferla og skrifa leiðbeiningar fyrir ný aðildarfélög til að koma í veg fyrir að það þurfi að finna upp hjólið að nýju..

(2) Félagsmenn, ábyrgðarfólk og fulltrúar Pírata fá í dag upplýsingar úr mörgum áttum og mikil samskipti fara fram í fjölmörgum hópum á Facebook. Á sama tíma koma strangar reglur um félagatalið í veg fyrir að tölvupóstur séu sendir reglulega, auk þess sem fáir aðilar hafa aðgang að félagatalinu. Erfiðleikar við upplýsingasöfnun gera nýliðum meðlimum erfitt fyrir að komast inn í félagsstarfið, sérstaklega þar sem lítil yfirsýn er yfir hópa á Facebook þar sem samskipti eiga sér stað milli félagsmanna. Einnig hefur það í för með sér að fulltrúar og ábyrgðaraðilar hafa takmarkaða yfirsýn.

Höfundar skýrslu leggja til að eftirfarandi sé gert:

- Gert sé kort yfir alla hópa á Facebook og leitast við að sameina hópa sem sinna sama eða svipuðu hlutverki.
- Finna leið til þess að koma fréttum reglubundið til félagsmanna án þess að brjóta gegn lögum eða venjum félagsins.

(3) Fyrsta Framtíðarsmiðja Pírata var vel heppnuð. Höfundar skýrslu mæla með að framtíðarsmiður verða haldnar víða um land, meðal annars til að undirbúa aðildarfélögin fyrir sveitarstjórnarkosningarnar 2018 með því að tengja fólk betur saman og setja fram sameiginleg markmið.

Fjölbreyttari grasrót

Píratar eiga að vera fjölbreytt félag sem tekur vel á móti öllum. Þátttakendur Framtíðarsmiðjunnar vilja tryggja breidd í félaginu, aldurslega, félagslega og menningarlega. Fjölbreytt félag sem byggir á og hvetur til þátttöku býður upp á marghliða sjónarmið úr samfélaginu og er þannig sterkur grundvöllur upplýstrar ákvarðanatöku. Félagsstarfið á að bjóða upp á fjölbreytta möguleika til að kynnast og tengjast öðrum Pírötum.

Grasrót Pírata þarf að hafa góðar forsendur til þess að geta lagt sitt að mörkum.

Píratahreyfingin vill vera aðgengileg, heyra sem flestar raddir og á að stuðla að valdeflandi umhverfi þar sem það er í lagi að vera ósammála. Við leitum leiða til þess að efla nýliðun og tökum vel á móti nýju fólki. Við sýnum virðingu og umhyggju gagnvart þeim sem vinna fyrir Pírata og munum að margir vinna launalaust fyrir hreyfinguna, með hagsmuni félagsins í fyrirrúmi.

Fjölbreyttari grasrót: Hugmyndir úr framtíðarsmiðjunni fyrir 2017:

- Gera aðgerðaráætlun um hvernig auka má breidd félagsins og taka vel á móti öllum

Tillaga um hvernig á að ná markmiðunum

Höfundar skýrslunnar leggja til að farið verði í aðgerðir til að ná eftirfarandi markmiðum:

- (1) Við erum félag sem hvetur alla hópa samfélagsins til þess að taka þátt. Manneskja sem kemur á fund Pírata í fyrsta skipti á að finna fyrir virðingu og að þátttaka hennar sé mikilvæg.
- (2) Við erum meðvituð um að það þarf að vinna markvisst að því að búa til öruggt og opið umhverfi þar sem allir geta tjáð sig frjálst og fundið fyrir virðingu.

Það þarf ekki að vera flókið að efla vitund Pírata um að taka vel á móti nýjum meðlimum, þvert á móti eru góðar forsendur til þess. Höfundar skýrslunnar mæla með að það sé unnið markvisst að meiri fjölbreytni á fundum og viðburðum. Það er lykilatriði að Píratar komi til móts við nýja hópa.

Höfundar mæla með eftirfarandi aðgerðum:

- Að gerð verði aðgerðaráætlun fyrir aðildarfélög Pírata á landsvísu um að auka meðvitund grasrótarhópa um hvað felst í því að koma til móts við alla á fundum og viðburðum.
- Stutt og hnitmiðað blað um hvernig gera á atburði opna og aðgengilega og efla þátttöku allra.
- Stuttar hugmyndasmiðjur sem hafa það að markmiði að taka á misskilningi um Pírata í samfélaginu, með beinu lýðræði og “do-ocracy” að leiðarljósi.

(2) Hvað þýðir það að gefa rými? Hvernig endurspeglast Píratakóðinn í menningu Pírata? Hvernig nota Píratar siðareglur? Höfundar skýrslunnar mæla með að þessar spurningar verði ræddar reglulega á fundum og framtíðar- eða hugmyndasmiðjum.

Höfundar mæla með eftirfarandi aðgerðum:

- Að fundarstjórar og ábyrgðarfólk fái handleiðslu við að búa til öruggt og opið umhverfi.

Vel skipulagðir verkferlar

Það er þörf á að skipuleggja verkferla og virkni félagsins betur. Skilgreina þarf ábyrgðarsvið og starfslýsingar betur. Það gerist líka of oft að lykilpersónur hverfa frá störfum án þess að afhending verka, vinnuferla og reynslu eigi sér stað. *Píratar eiga að vera félag þar sem enginn er ómissandi.*

Við erum hreyfing sem byggir á lýðræði og valddreifingu. Það fylgir mikil ábyrgð því að vera stórt stjórn málaafli og gerð er krafa um að við séum trúverðug. Það þarf að endurskoða skipulag og verkefnaskiptingu félagsins í ljósi þess að félagið hefur stækkað mikið síðasta árið. Píratar ættu líka halda áfram að þróa notendavænni, öflugri og öruggari netkerfi í því markmiði að bæta upplýsingagjöf, umræðu og efla valddreifingu. Til dæmis mætti halda áfram að bæta kosningakerfið.

Vel skipulagðir verkferlar: Hugmyndir úr framtíðarsmiðjunni fyrir 2017

- Ráðast í aðgerðir til að auka aðkomu félagsmanna að stefnumótun
- Bæta innri ferla í því markmiði að bæta afhendingu verka og ábyrgðar
- Uppfæra kosningakerfið
- Koma á fót samvinnuvettvangi grasrótar og kjörinna fulltrúa til að vinna stefnumál á þingtækt stig.

Bætt upplýsingaflæði og tengsl milli grasrótar og kjörinna fulltrúa

Þegar Píratar fá fleiri kjörna fulltrúa, fær grasrótin greiðari aðgang að Alþingi, ríkisstjórninni og borgar- og sveitarstjórnunum. Þessar tengingar má nýta til þess að koma stefnum okkar betur á framfæri. Efla verður samskipti grasrótar og kjörinna fulltrúa svo að af þessu megi verða.

Í kosningabaráttunni hafa myndast ferlar sem Píratar eru ekki vanir. Það er mikil þörf á að láta grasrótina finna að hún sé hjarta félagsins. Þess vegna er mikilvægt að bæta traust milli kjörinna fulltrúa og grasrótar og tryggja upplýsingaflæðið sé eins öflugt og mögulegt er. Að grasrótin sé vel tengd við kjörna fulltrúa gerir do-ocracy og ábyrgðartöku sterkari í grasrótinni þegar kemur að stefnumótun og öðrum ferlum.

Píratar eiga líka að ýta undir áhuga almennings á lýðræði og stjórnsýslu. Þar geta kjörnir fulltrúar spilað mikilvægt hlutverk til að gefa innsýn í pólitíska starfið.

Betri möguleikar til að kenna og læra

Píratar vilja að félagsstarfið bjóði upp á möguleika til þess að læra og kenna. Það er þörf á því að kynna og ræða um gagnrýna hugsun, lýðræðisferla og fræðslu um réttindi í samfélaginu og Píratar vilja vera öflugur vettvangur á því sviði.

Þegar Píratar vaxa verður meiri þörf á því að þróa, bæta og læra um þá hugmyndafræði sem liggur að baki stefnumótun og skipulagi flokksins. Hver eru sameiningaröfl okkar? Er til eitthvað sem heitir “píratismi” og hvað er það þá? Við viljum búa til vettvang þar sem þetta er rætt.

Til þess að læra af reynslunni þurfum við að setja upp innri ferla og gagnagrunna sem halda utan um lærdóm, greinagerðir og áætlanir.

Þó nokkrar hugmyndir um greiningar sem gætu verið nothæfar komu upp á Framtíðarsmiðjunni:

- Hvernig förum við að því að gera pólitík aðgengilegri?
- Samanteknar skýrslur frá kosningabaráttunni 2016
- Hvernig við náum betur til kjósenda?
- Hvað þurfum við að gera til þess að verða ekki skilgreind sem “hættuleg”?

Betri möguleikar til að kenna og læra: Hugmyndir úr framtíðarsmiðjunni fyrir 2017

- Koma upp öflugri nýliðafræðslu
- Kennsla í lýðræði og réttindum

Eflum lýðræðispáttöku ungs fólks

Fyrir sveitarstjórnarkosningarnar 2018 verður það lykilatriði að koma ungu fólki á kjörstað. Þátttakendur Framtíðarsmiðjunnar vilja setja markmið um 60% þátttöku 18-29 ára í sveitarstjórnarkosningum 2018. Það þarf að gera aðgerðaráætlun um hvernig við viljum ná þessu markmiði.

Sameiginleg framtíðaráætlun fyrir Pírata

Hvert stefna Píratar á næsta ári, næstu fimm árum og næstu tuttugu árum? Lifandi framtíðarsýn hjálpar okkur að endurnýja stöðumat og markmið með jöfnu millibili. Þátttakendur Framtíðarsmiðjunnar vilja að framtíðaráætlun Pírata fyrir næstu skref verði skýr og að hún hjálpi grasrót, þingflokki og starfsmönnum að verða samstíga.

Sameiginleg framtíðarsýn fyrir samfélagið

Við viljum leggja grunn að nýrri framtíðarsýn fyrir Ísland. Hvernig samfélag viljum við? Hvernig samfélag sjáum við fyrir okkur á alþjóðavísu? Að hafa sameiginlegar hugsjónir hjálpar okkur að tengja stefnur betur við heildarmynd. Þátttaka Pírata í alþjóðlegu samstarfi við aðrar umbótahreyfingar er mikilvæg og getur hjálpað til við að móta sameiginlegar áherslur.